

Na osnovu člana 64. stav 1. tačka b), člana 70. stav 1, 3. i 6. Zakona o javnim nabavkama („Službeni glasnik BiH“, broj 39/14), te na osnovu preporuke Komisije za nabavke, a po provedenom postupku za nabavku radova putem otvorenog postupka, Pomoćnik gradonačelnika za Službu za komunalne poslove izgradnju i poslove mjesnih zajednica, donosi

**ODLUKU  
o izboru najpovoljnijeg ponuđača**

**Član 1.**

Prihvata se preporuka Komisije za nabavke, te se ugovor za nabavku radova na redovnom održavanju puteva na području grada Tuzla dodjeljuje ponuđaču "CESTOTEHNIK" d.o.o. Tuzla, sa ponuđenom cijenom, nakon okončane e-aukcije, od 2.560.546,00 KM bez PDV-a.

**Član 2.**

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**Član 3.**

Ova odluka će se objaviti na web-stranici ugovornog organa (www.tuzla.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 05/11-A-001485-2021 od 08.02.2021. godine.

Postupak nabavke je proveden putem otvorenog postupka za koji je objavljeno Obavještenje o nabavci broj: 1004-1-3-116-3-196/20 objavljeno 27.10.2020.godine, Ispravka za obavještenje o nabavci 1004-1-3-116-8-209/20 objavljeno 08.12.2020.godine i Ispravka za obavještenje o nabavci broj: 1004-1-3-7-3-41/21 objavljeno 10.02.2021.godine na Portalu javnih nabavki.

Postupak nabavke provela je Komisija za nabavke imenovana Rješenjem broj: 05/11-A-001485-2021 od 08.02.2021. godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće :

- da je ukupan broj pristiglih ponuda 5 (pet);
- da je blagovremeno zaprimljeno 5 (pet) ponuda;
- da nije bilo neblagovremenih ponuda;
- da su 4 (četiri) ponude prihvatljive;
- da je 1 (jedna) ponuda neprihvatljiva.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijih ponuđača izvršen u skladu sa Zakonom o javnim nabavkama, podzakonskim aktima, i tenderskom dokumentacijom.

Uvidom u priloženu dokumentaciju utvrđeno je da je ponuđač "CESTOTEHNIK" d.o.o. Tuzla dostavio ponudu sa najnižom cijenom. Detaljno obrazloženje razloga za izbor navedeno je u Zapisniku o pregledu i ocjeni ponuda te u Zapisniku nakon provedene e-aukcije koji se dostavljaju uz ovu odluku svim ponuđačima koji su učestvovali u postupku nabavke. Obzirom da je kriterij za dodjelu ugovora najniža cijena odlučeno je kao u članu 1. ove odluke.

**POUKA O PRAVNOM LIJEKU**

Protiv ove odluke može se izjaviti žalba u roku od 10 (deset) dana od dana prijema ove odluke, Uredu za razmatranje žalbi putem ugovornog organa.

**Bosna i Hercegovina  
Federacija Bosne i Hercegovine  
Tuzlanski kanton  
GRAD TUZLA  
Služba za komunalne poslove, izgradnju  
i poslove mjesnih zajednica  
Broj: 05/11-A-001485-2021  
Datum, 15.03.2021.godine**

**Pomoćnik gradonačelnika za Službu za  
komunalne poslove, izgradnju i poslove mjesnih zajednica**

**mr.sc. Mirela Uljić, dipl.ing.grad.**